

ADMINISTRACIÓN LOCAL

PROVINCIAL

DEPUTACIÓN PROVINCIAL

Subvencións e axudas

EXTRACTO DAS BASES REGULADORAS PARA A CONCESIÓN DAS SUBVENCIONS, EN RÉXIME DE CONCORRENCIA COMPETITIVA, PARA O FINANCIAMENTO DOS CUSTOS DE PERSOAL DAS UNIDADES DE APOIO Á ACTIVIDADE DOS CENTROS ESPECIAIS DE EMPREGO SEN ÁNIMO DE LUCRO PARA O ANO 2023.

EXTRACTO DAS BASES REGULADORAS E CONVOCATORIA PARA A CONCESIÓN DAS SUBVENCIONS, EN RÉXIME DE CONCORRENCIA COMPETITIVA, PARA O FINANCIAMENTO DOS CUSTOS DE PERSOAL DAS UNIDADES DE APOIO Á ACTIVIDADE DOS CENTROS ESPECIAIS DE EMPREGO SEN ÁNIMO DE LUCRO PARA O ANO 2023.

BDNS(Identif.):718890

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/718890>)

1. ENTIDADES BENEFICIARIAS.

Poderán solicitar estas axudas os CEE sen ánimo de lucro que cumpran os seguintes requisitos:

- a) Figurar inscritas como Centro Especial de Emprego no Rexistro Administrativo de Centros Especiais de Emprego de Galicia, de acordo co disposto no Decreto 200/2005, de 7 de xullo polo que se regula a autorización administrativa e a inscrición no Rexistro Administrativo de Centros Especiais de Emprego de Galicia.
- b) Ter recoñecida a súa condición como Centro Especial de Emprego “sen ánimo de lucro”.
- c) Constar tanto domicilio social como centro de traballo obrigatoriamente na provincia de Pontevedra.
- d) Estar ao corrente das obrigas coa Axencia Estatal Tributaria, coa Facenda autonómica, coa Seguridade Social e coa Deputación de Pontevedra.
- e) Non incorrer nalgunha das prohibición previstas na Lei Xeral de Subvencións nin estar incluída nos supostos de incapacidade ou incompatibilidade para a percepción de axudas ou subvencións públicas.

A ausencia dos requisitos a), b) e c) anteriores no momento de publicación das presentes bases e convocatoria no BOPPO, así como a obtención dos mesmos con posterioridade a esta data de referencia serán causas de exclusión directa. Os demais requisitos sinalados deberán



Luns, 2 de outubro de 2023

Núm. 190

cumprirse na data na que finalice o prazo de presentación de solicitudes e manterse durante todo o período de vixencia desta convocatoria.

2. *OBXECTO*

Financiar os custos de persoal imputables ao exercicio 2023 das unidades de apoio á actividade profesional e do persoal que desenvolva accións de coordinación e/ou dirección dos Centros Especiais de Emprego (en adiante CEE) con sede e centro de traballo na provincia de Pontevedra que estean inscritos no Rexistro Administrativo de Centros Especiais de Emprego e teñan recoñecida a súa carencia de ánimo de lucro na data de publicación desta convocatoria, coa finalidade de promover a integración laboral das persoas con discapacidade con maiores dificultades de inserción mediante o seu emprego nos CEE que operan na provincia de Pontevedra.

3. *BASES REGULADORAS*

Bases reguladoras aprobadas por Resolución Presidencial nº 2023007352 do 28 de setembro de 2023, da Deputación Provincial de Pontevedra e na Ordenanza Xeral de Subvencións da Deputación de Pontevedra aprobada polo Pleno da Deputación de Pontevedra na súa sesión ordinaria do 28 de outubro de 2016 e publicada no BOPPO nº 249 do 30 de decembro de 2016.

4. *FINANCIAMENTO E IMPORTE DAS SUBVENCIÓNS.*

A contía total destinada a estas axudas ascende a un importe de 60.000,00€ e financiarase con cargo á aplicación 23/240.2410.489.90 do orzamento da Deputación de Pontevedra para o ano 2023, quedando sempre a concesión destas subvencións condicionada á existencia de crédito suficiente.

Só se concederá unha subvención por entidade. O importe máximo das axudas será de 12.500,00€ para cada unha das entidades solicitantes. En caso de que o crédito dispoñible fose insuficiente farase un rateo proporcional entre todas as solicitudes para subvencionar todas aquelas que resulten seleccionadas.

5. *VALORACIÓN E CONCESIÓN.*

A concesión das subvencións realizarase en réxime de concorrencia competitiva, tendo en conta para o reparto das cantidades das subvencións o número de persoas con discapacidade contratadas no CEE que se indiquen no ficheiro IDC por período de liquidación e conta de cotización aportado na fase de solicitude e chegado o caso tamén con contratos formalizados con anterioridade a data de publicación que aínda non figuren en dito ficheiro, non sendo acumulables os tramos:

- a) 10 ou menos persoas traballadoras con discapacidade: 2.500,00€
- b) De 11 a 20 persoas traballadoras con discapacidade: 4.500,00€
- c) De 21 a 30 persoas traballadoras con discapacidade: 6.500,00€



Luns, 2 de outubro de 2023

Núm. 190

d) De 31 a 40 persoas traballadoras con discapacidade: 9.500,00€

e) Máis de 40 persoas traballadoras con discapacidade: 12.500,00€

A estes efectos, entenderanse como traballadores con discapacidade dos CEE aquelas persoas contratadas que se atopen nalgún dos supostos tal e como indica a súa propia normativa:

a) Persoa con parálise cerebral, persoas con enfermidade mental ou persoas con discapacidade intelectual, cun grado discapacidade recoñecido igual ou superior ao 33%.

b) Persoas con discapacidade física ou sensorial cun grado de discapacidade recoñecido igual ou superior ao 65%.

Para que se teñan en conta as contratacións das persoas con discapacidade contratadas polo CEE solicitante á hora do reparto, estas deberán ter sido formalizadas con anterioridade á publicación das presentes bases e convocatoria no Boletín Oficial da Provincia de Pontevedra

5. PRAZO DE PRESENTACIÓN

O prazo de presentación de solicitudes será de quince (15) días hábiles, contado a partir do día seguinte ao da publicación das bases reguladoras e convocatoria así como do extracto no Boletín Oficial da Provincia de Pontevedra (BOPPO) e na Base de Datos Nacional de Subvencións (BDNS).

6. OUTROS DATOS DE INTERESE

- Solicitudes e documentación: cada entidade deberá presentar a solicitude no modelo normalizado dispoñible na sede electrónica.
- Procedemento de concesión: concorrencia competitiva
- Compatibilidade: Si
- Forma de pagamento: transferencia bancaria
- Forma de xustificación: Pago único unha vez finalizado o período subvencionable dos contratos (31 de decembro de 2023).
- Prazo máximo de xustificación: 31 de marzo de 2024, 3 meses desde a finalización do período subvencionable (31 de decembro de 2023).

Pontevedra, 29/09/2023

O Presidente, Luis López Diéguez

